

PODACI O PROJEKTU

Projekat podrške ponovnom uspostavljanju privremenog prihvatnog centra za migrante "Lipa"
Bosna i Hercegovina – Februar 2022.



Schweizerische Eidgenossenschaft
Confédération suisse
Confederazione Svizzera
Confederaziun svizra

Ambasada Švicarske u Bosni i Hercegovini



STVARANJE BOLJIH USLOVA ZA PRIHVAT I BORAVAK MIGRANATA U BIH

PODRŠKA IZGRADNJI KAPACITETA ZA SMJEŠTAJ MIGRANATA

Migrantska kriza uzrokuje velika kretanja stanovništva iz Sjeverne Afrike i sa Bliskog Istoka ka sjeveru, uglavnom ka zemljama EU.

Na svom putu do EU, najčešće preko Hrvatske, desetine hiljada migranata prešlo je preko Bosne i Hercegovine.

Najviše migranata zadržava se na granici sa Hrvatskom, uglavnom u Unsko-sanskom kantonu, kao i u Kantonu Sarajevo. Broj migranata u BiH je promjenjiv, a procjenjuje se da ih je u svakom trenutku u zemlji nekoliko hiljada.

Iako najveći procenat migranata samo prolazi kroz BiH, evidentan je bio nedostatak smještajnih kapaciteta u kojima bi se privremeno ili trajno zbrinuli. Više od hiljadu migranata je živjelo izvan prihvatnih centara u vrlo teškim uslovima.

U adaptiranom centru "Lipa" biće smještene porodice, žene, maloljetnici bez pratnje i muškarci (samci).

Imajući u obzir socio-ekonomsku situaciju u zemlji, dodatne zdravstvene rizike uzrokovane globalnom COVID 19 pandemijom, ali i nepostojanje čvrste političke volje za rješavanje migrantskih pitanja, rješavanje statusa migranata u tranzitu ili onih koji žele da dobiju azil i ostanu u BiH je vrlo kompleksno pitanje.

Situaciju je dodatno otežala činjenica da je šatorski migrantski centar za hitne slučajeve "Lipa" koji se nalazi u blizini Bihaća, pretrpio veliku štetu i uništenje gotovo kompletne infrastrukture u požaru u decembru 2020. godine. Stotine osoba je u zimskom periodu i izuzetno teškim vremenskim i epidemiološkim uslovima ostalo bez krova nad glavom i bez elementarnih uslova za život.

Švicarska se pridružila međunarodnim naporima u podršci bh. vlastima da osiguraju adekvatne prihvatne kapacitete za 1500 migranata u prihvatnom centru „Lipa“, kako bi se spriječila humanitarna i zdravstvena kriza.

Ključni institucionalni partneri za realizaciju ovog projekta su Ministarstvo sigurnosti BiH i Služba za poslove sa strancima u BiH, kao i predstavnici vlade Unsko-sanskog kantona.

BOLJI PRISTUP USLUGAMA

Cilj projekta je podrška vlastima u BiH da na svim institucionalnim nivoima preuzmu vlasništvo u upravljanju migracijama i **omoguće bolje uslove za život u privremenim prihvatnim objektima za migrante i tražioce azila u BiH.**

Realizacijom projekta biće omogućen dostojanstven život migrantima koji će imati bolji pristup uslugama podrške, zaštite i pomoći. Time će se doprinijeti i smanjenju broja migranata izvan kampova, poboljšanju sigurnosne situacije i smanjenju tenzija i između migranata i stanovništva na ovom području.

Ambasada Švicarske u Bosni i Hercegovini

Zmaja od Bosne 11, Zgrada RBBH, objekt B, BiH-71000 Sarajevo

Tel. +387 33 27 58 50, +387 33 25 40 30, Fax +387 33 57 01 20

E-Mail: sarajevo@eda.admin.ch

www.eda.admin.ch/bosnia-and-herzegovina

RADOVI NA ADAPTACIJI KAMPA I OČEKIVANI REZULTATI

Da bi se omogućio rad centra i useljvanje migranata u prostorije prihvatnog centra prije zime, te njihovo sklanjanje sa ulice iz improvizovanih uličnih smještaja, Švicarska je podržala:

- Spajanje prihvatnog centra na opštinsku elektro-energetsku mrežu
- Asfaltiranje kritičnih dionica i izgradnju pristupne putne mreže koja će omogućiti nesmetano snabdjevanje centra

U novoadaptiranom centru "Lipa" biće smještene porodice, žene, maloljetnici bez pratnje i muškarci (samci).

SAŽETAK PROJEKTA:

NAZIV:

Projekat podrške ponovnom uspostavljanju privremenog prihvatnog centra za migrante Lipa

DOMENA:

Migracije i sigurnost (Upravljanje)

ZEMLJA / REGIJA:

Bosna i Hercegovina

PARTNERI:

Međunarodna organizacija za migracije (IOM)

POLAZNA TAČKA / POZADINA:

Migrantski centar Lipa kod Bihaća, pretrpio je ogromnu materijalnu štetu u požaru 2020. godine što je ostavilo stotine osoba bez elementarnih uslova za život. To je nametnulo nužnost ponovne izgradnje privremenog prihvatnog kampa i rješavanja problema smještaja migranata i njihovih porodica, kako za institucije BiH, tako i za međunarodne donatore.

CILJ PROJEKTA:

Cilj projekta je pomoći institucijama BiH da učinkovitije upravljaju migracijama i migrantskom politikom i obezbijede adekvatne uslove za tranzit i smjestaj migranata

CILJNA GRUPA:

Ministarstvo sigurnosti BiH i Služba za poslove sa strancima u BiH; 1500 migranata u Unsko-sanskom kantonu; Vlada i građani Unsko-sanskog kantona;

BUDŽET:

5.483.000 CHF, od čega
300.000 CHF Vlada Švicarske / Švicarska agencija za razvoj i saradnju (SDC)

TRAJANJE:

1.10.2021. - 31.3.2022.

Zajedno ubrzavamo napredak



eda.admin.ch/sarajevo



[SwissEmbassySarajevo](https://www.facebook.com/SwissEmbassySarajevo)



[SwissEmbassySarajevo](https://www.instagram.com/SwissEmbassySarajevo)



[SwissEmbassySarajevo](https://www.youtube.com/SwissEmbassySarajevo)



[SvicarskauBiH.ba](https://www.svicarskauBiH.ba)